

晉書札記

卷三

會稽 李慈銘

列傳第一

后妃上

洎乎太祖始親選良家

頁一
下

慈銘案太祖當作世祖

文明王皇后傳

於是使使持節謁者何融追諡爲平陽縣君

頁三
下

慈銘案平陽縣君止有封而無諡縣上當脫一字

列傳第二

后妃下

章太妃傳

太尉桓溫議宜稱夫人

頁三
上

慈銘案此議及下江道江彪議皆已見禮志

康獻褚皇后傳

及哀帝海西公之世太后復臨朝稱制

頁四下

慈銘案哀帝紀惟興寧二年帝以服藥致疾崇德太后復臨朝攝政至海西公紀並不言有臨朝之事此處世字當是際字之誤

而春秋尙富如在諒闇蒸蒸之思未遑庶事

頁四下

慈銘案如當作加

穆章何皇后傳

勿令游過后時以遠還

頁六上

慈銘案游當作有

簡文宣鄭太后傳

帝崩后稱建平國夫人

頁七上

慈銘案國當作陵建平元帝陵名也東漢以後夫人貴人皆以帝之陵名爲號

列傳第三

慈銘案此卷極狀祥冲曾三人之浮湛固位史文之微婉者曾傳備引傳立傳子中語歎曾之爲大孝而下歷箸曾行事之醜又以旁見立之

爲人亦可想而知也蓋曾與傅嘏荀顗同爲司馬之死黨曹氏之賊臣而卻自居正人不歸賈充等下流之惡故史特箸之祥雖彼善於此然傳載其高貴以祥爲三老日云祥几杖南面以師道自居未識其所謂道者何道也二語言外之意不堪其醜王氏鳴盛論晉書此卷與後漢

書胡廣傳同一筆法有識哉

重民案見同治十三年十一月二十六日日記

王祥傳 祥性至孝早喪親

頁一上

慈銘案早喪親當作早喪母

烈芬並幼知名爲祥所愛二子亦同時而亡

頁三上

慈銘案二子句上有脫文

鄭冲傳 名曰論語集解成奏之魏朝于今傳焉

頁五下

慈銘案成字上當脫一書字

何曾傳 其有老病不隱親人物及宰牧少恩好修人事煩撓百姓者皆

可徵還

頁六下

慈銘案不隱親人物隱字涉上文隱字而誤衍

都官從事劉享嘗奏曾華侈以銅鈎馱

馱一作鈎

引一作

車瑩牛蹄角

頁九上

音義馱紉上方物反下直引反慈銘案馱即馱之別體字集韻馱通作

第第通作鞞輿革後謂之鞞馱不成字蓋誤書音義亦譌作馱然音曰

方物反則字當作馱矣官本徑改作馱

何遵傳

伯蔚居亂而矜豪乃爾豈其免乎

頁十上

慈銘案居亂下當有世字此唐人避諱而去之與下文汝等猶可獲沒

沒下亦當有世字其例正同

孫鑠傳

于時汝陰王鎮許鑠過謁之

頁十上

慈銘案王下當加一駿字是時扶風王駿尙爲汝陰王以安東大將軍

鎮許昌也

列傳第四

羊祜傳

吳石城守去襄陽七百餘里每爲邊害

頁二上

慈銘案吳石城成在今湖北安陸府治鍾祥縣地北去襄陽府宜城縣止百二十里安得云七百餘里且七百餘里地非不遠安得常爲邊害蓋此當作百餘里誤衍七字耳

列傳第五

陳騫傳 弟稚與其子輿忿爭遂說騫子女穢行

頁二上

慈銘案世說注引郭子言韓壽偷香私通者乃陳騫之女即此所謂子女穢行也

裴秀傳 高浮游之業埤經實之賢

頁八上

音義埤音卑慈銘案說文埤增也非卑薄之義卑可作庠不得作埤也其甚者至於裸裎言笑忘宜以不惜爲弘士行又虧矣

頁八下

慈銘案惜當作恤

損良之屬蓋君子之一道非易之所以爲體守本無也

頁八下

慈銘案此句疑當作非易之所以爲體也守本無三字涉上一行而誤

衍

夫有非有於無非無於無非無於有非有

頁八下

慈銘案此處當衍一於字有非有於無非無爲一句無非無於有非有爲一句

奧勸盾刑殺立威大發良人爲兵

頁十上三

慈銘案大發良人及下文所發良人皆本良民也唐避太宗諱改人此書所有民字及世字治字皆宋以後人校刊者所妄改如此等則不知本是民字而失改也

列傳第六

衛瓘傳

又令太子少傅加千兵百騎鼓吹之府

頁三上

慈銘案令爲領之誤之府二字疑是一部二字之誤

轉注者以老壽考也

頁五下

慈銘案壽字誤疑當作受

邕作篆勢曰

頁七上

慈銘案邕字衍或謂下文草書勢上有崔瑗作字是言崔瑗作草書之勢此是言蔡邕作篆書之勢然此言邕不如諸家何得反舉邕言之且下文崔瑗二字亦衍文也

若絕若連似水露綠絲

頁七下

慈銘案綠當作緣

研桑所不能計宰賜所不能言

頁八下

慈銘案上文已有研桑字此處蓋誤或當作孔桑

齊相杜度號善作篇

頁八下

慈銘案篇疑草字之誤

絕筆收勢餘綖糾結若杜伯犍毒緣巘

頁九上

慈銘案杜伯二字疑誤衍

列傳第七

安平獻王孚傳

植負才陵物孚每切諫

頁一上

慈銘案此云植負才陵物及下云李勝何晏等亂政皆晉人誣善之辭又此下言魏武薨時孚所建白是時曹氏佐命盈廷孚名位尙微何能如此皆非事實也又魏武以人臣終而便稱大行亦非語所應有蓋晉人緣飾之陋談耳唐人沿之無識甚矣

吾得司馬懿二人復何憂哉

頁二上

慈銘案晉書諱司馬懿之名此之直書非本文也

孚以爲擒敵制勝宜有備預

頁二上

慈銘案預當作豫下同

魏明悼后崩議書銘旌

頁二下

慈銘案悼后者明帝毛后也其崩在明帝景初元年而系於誅曹爽之後可知晉書雜綴無法

河間平王洪字孔業出繼叔父昌武亭侯遺

頁五上

慈銘案遺爲朗之子見三國志司馬朗傳於洪爲從叔父以史法言之
當曰出繼伯祖朗子昌武亭侯遺

太興二年上疏以兄弟並沒在遼東章武國絕宜還所生

頁五下

錢氏大昕曰元帝紀建武元年十一月封汝南王子弼爲新蔡王太興
元年十一月新蔡王弼薨弼之嗣新蔡在滔還襲章武之後則滔上書
請還本生事斷不在太興二年矣慈銘案此下新蔡王確傳亦云弼以
太興元年薨則此太興二年爲誤無疑也

義不得替其本宗而先後傍親

頁五下

慈銘案替廢之替說文本作替從𣎵從白或作替從𣎵從曰又作替從
𣎵從曰曰者語氣也非日字隸作替者以從𣎵從曰則與從日之普字
混從𣎵從曰則與從𣎵從曰音七感切之替字混

以兄邕之支子承爲嗣封南宮縣王薨子祐嗣立承遂爲後

頁七上

慈銘案爲後官本作無後蓋此句上有脫文必是洛陽陷時祐被害或

陷沒故承遂無後也

高密文獻王泰傳 乃鑄銅人鐘鼎爲釜器以易穀

頁上十

慈銘案鑄疑當作銷

范陽康王綏傳 虓字武會少好學馳譽研攷經紀

頁上十

慈銘案紀當作記

是以前年太宰與臣永維社稷之貳不可久空

頁下三

慈銘案太宰謂河間王顥也

濟南惠王遂傳 是大長秋恂之玄孫冠軍將軍濟南惠王遂之曾孫略

陽太守瓘之子

頁下五

慈銘案此獨不稱某之孫蓋誤脫

以梁州刺史援桓宣卒請勳代之

頁下五

慈銘案援字衍

勳乃僞請琚於坐殺之琚弟走池陽

頁下五

慈銘案琚弟不書其名非史法據苻健載記言永和中勳之入秦爲杜洪所招非張琚又稱健敗勳於五丈原杜洪爲張琚所殺琚自立爲秦王健攻琚斬之非琚爲勳所殺皆與此互異

譙剛王遜傳

以爲都督兗青冀幽并揚州之晉陵徐州之南北郡軍事

頁十
九上

慈銘案徐州之南北郡者以其時徐州分南徐州北徐州也

文思性凶暴每違軌度

頁二
十上

慈銘案文思以謀誅劉裕被廢耳所云凶暴皆非事實此沿宋人舊文

誣加之罪

送文思付父休之令自訓厲後與休之同怨望稱兵爲裕所敗而死國除

頁二
十下

慈銘案魏書文思隨休之入魏歷官廷尉卿征南大將軍懷朔鎮將封譙王至文成帝興安初薨是時已爲宋文帝元嘉三十年矣安得云爲

裕所敗而死蓋唐人沿宋人舊文全不檢覈如此又休之自以爲裕所忌被討而此云與休之怨望同稱兵休之傳亦云以文思事怨望而又備載韓延之與裕書自相矛盾

任城景王陵傳

二子俱沒有二弟順斌

頁二十下

慈銘案有上脫一陵字順斌皆陵之弟也武帝紀太始元年封皇從叔父陵爲北海王斌爲陳王此傳目錄亦稱陵弟順斌

列傳第十三

山濤傳

今爲何等時而眠邪知太傅臥何意

頁一上

慈銘案太傅指司馬懿也但前不見宣帝之事此語突然無根

帝謂濤曰西偏吾自了之後事深以委卿

頁一下

慈銘案觀此事則濤固司馬之死黨也山公名德卽此可知

及羊祜執政時人欲危裴秀濤正色保持之由是失權臣意

頁二上

慈銘案此權臣語則指羊祜矣錢氏大昕謂祜時爲尙書右僕射故云

執政也但羊公盛德何至有此

濤志必欲退因發從弟婦喪輒還外舍

頁二下

慈銘案爾時嫂叔尙無服況從弟婦何得發喪疑婦字衍

每一官缺輒啟擬數人詔旨有所向然後顯奏

頁二下

慈銘案此即今開單請簡之法然則濤特阿旨取媚者耳其啓事亦可想矣

後與譙國嵇紹沛郡劉謨弘農楊淮齊名

頁五上

慈銘案楊淮當作楊準六朝俗書準作准遂誤爲淮耳準字始邱修之孫也下樂廣傳中宏農楊準卽此一人三國志注作準不誤世說新語亦誤作淮南史王淮之亦準之誤也

陛下初臨萬國人思盡誠每於聽政之日

頁五下

慈銘案每於當作宜於玩文氣可見

縣人虞喜以藏戶當棄市遐欲繩喜諸豪强莫不切齒於遐

頁六上

慈銘案虞喜見儒林傳其人高隱彙徵不起晉之完人也不應有藏戶之事蓋遐自是酷吏欲害名賢此傳所言當本山氏家傳不足爲據

世稱山公啓事者豈斯之謂歟若盧子家之前代何足算也

頁六下

慈銘案盧子家者盧毓也在魏爲吏部尙書志稱其選舉先性行而後言才又作考課法嘗謂名不足以致異人而可以得常士常士畏教慕善然後有名非所當疾也是其人號爲稱職此論二語殊不可解若謂毓之先世則盧充盧植未嘗典選也

王戎傳 楊駿欲以女妻焉衍恥之遂陽狂自免

頁十上

慈銘案楊駿宏農名族又爲帝后之父以女妻衍何至爲恥衍妻郭氏乃賈后之親豈反勝於楊氏乎蓋由楊氏敗後託爲此言以求媚於賈非事實也

彼晉之三公必不爲我盡力又何足責乎

頁十上

慈銘案責字疑貴字之誤

樂廣傳 喬白及卿然髦亦清出

頁十
六下

慈銘案亦當作尤廣言髦尤清出優於喬也故準謂二兒之優劣乃裴樂之優劣世說品藻篇正作尤

道暎將聖事乖跽指

頁十
七下

慈銘案跽指即跽指蓋用莊子跽拇篇跽拇枝指之義以仁義禮法爲跽枝也言澄等雖託莊老而輕薄放蕩亦乖漆園之旨

列傳第十四

鄭袤傳

默字思元起家祕書郎考覈舊文刪省浮穢中書令虞松謂曰

而今而後朱紫別矣

頁二
下

慈銘案隋書經籍志魏祕書郎鄭默始制中經祕書監荀勗又因中經更著新簿分爲四部卽所謂中經簿也此傳但云默考覈舊文刪省浮穢而不言其著中經亦爲疏略

盧欽傳

既加親愛又重其才值建興末隨琨投段匹磾

頁八
上

慈銘案官本值字作地是屬上句以才地連文

華表傳 又中書監荀勗先爲中子求廩女廩不許爲恨頁九下

慈銘案任愷傳則廩與荀勗皆賈充之黨

與陳勰共造睹闌於宅側頁十上

慈銘案睹闌不可解睹疑豬字之誤

恒議漢獻帝居許即便郊崇宜於此修立頁十下

慈銘案崇即書至于岱宗柴之柴崇者以柴燎祭天也見說文

王敦表轉恒爲護軍頁十上

慈銘案王敦表表字當作平太寧爲明帝年號帝紀亦書太寧元年二月以特進華恒爲驃騎將軍督石頭水陸軍事時王敦已叛恒之命亦所以備敦也

所撰書十典未成而終頁十下

慈銘案前既云所撰漢後書俱奏上藏之秘府且已施行此處又云十